


内閣文庫

内閣文庫  
漢書  
卷八  
冊一  
函三

別史

内閣文庫	
番號	漢 2220
冊數	8 ( 1 )
函號	285 72

285-72



乾隆乙卯年鑄

東觀漢紀



御製題武英殿聚珍版十韻

有序

武英殿聚珍版

校輯永樂大典內之散簡零編竝蒐訪天下遺籍不下萬餘種  
彙為四庫全書擇人所罕覩有裨世道人心及足資攷鏡者削  
剔流傳嘉惠來學第種類多則付雕非易董武英殿事金簡以  
活字法為請既不濫費棗梨又不久淹歲月用力省而程功速  
至簡且捷攷昔沈括筆談記宋慶歷中有畢昇為活版以膠泥  
燒成而陸琛金臺紀聞則云毘陵人初用鉛字視版印尤巧便  
斯皆活版之權輿顧埏泥體麤鎔鉛質軟俱不及鋟木之工緻  
茲刻單字計二十五萬餘雖數百十種之書悉可取給而校讎  
之精今更有勝於古所云者第活字版之名不雅馴因以聚珍  
名之而系以詩

稽古搜四庫於今突五車開鑄思壽世積版或充間張帖唐院集

御製題武英殿聚珍版十韻

詩集

周文梁代餘同為製活字用以印全書精越鵝冠體昨歲江南所進之書有鵝冠子即活

字版第字體不工且多訛謬耳富過鄴架儲機圓省雕氏功倍謝鈔胥聯腋事堪例埏

泥法似疎毀銅昔悔彼康熙年間編纂古今圖書集成刻銅字為活版排印藏工貯之武英殿歷年既久銅字或被竊缺少司事者懼于咎適值乾隆

初年京師錢貴遂請毀銅字供鑄從之所得有限而所耗甚多已為非計且使銅字尚存則今之印書不更事半功倍乎深為惜之刊木此慚予既復羨

黎東還教慎魯魚成編示來學嘉惠志符初

乾隆甲午仲夏

臣等謹案東觀漢記隋書經籍志稱長水校尉劉珍等撰今

攷之范書珍未嘗為長水校尉且此書創始在明帝時不可

題珍等居首案范書班固傳云明帝始詔班固與睢陽令陳

宗長陵令尹敏司隸從事孟冀共成世祖本紀并撰功臣平

林新市公孫述事作列傳載記二十八篇此漢記之初創也

劉知幾史通古今正史篇云安帝詔史官謁者僕射劉珍及

諫議大夫李尤雜作紀表名臣節士儒林外戚諸傳起建武

訖永初范書劉珍傳亦稱鄧太后詔珍與劉駒駱作建武以

來名臣傳此漢記之初續也史通又云劉珍等卒復命侍中

伏無忌與諫議大夫黃景作諸王王子功臣恩澤侯表南單

于西羌傳地理志元嘉元年復令大中大夫邊韶大軍營司

馬崔實議郎朱穆曹壽雜作孝穆崇二皇及順烈皇后傳又

增外戚傳入安思等后儒林傳入崔篆諸人實壽又與議郎  
延篤雜作百官表順帝功臣孫程郭願及鄭眾蔡倫等傳凡  
百十有四篇號曰漢記范書伏湛傳亦云元嘉中桓帝詔伏  
無忌與黃景崔實等共撰漢紀延篤傳亦稱篤與朱穆邊韶  
共著作東觀此漢記之再續也蓋至是而史體粗備乃筆有  
漢記之名史通又云熹平中光祿大夫馬日磾議郎蔡邕楊  
彪著作東觀接續紀傳之可成者而邕別作朝會車服二志  
後坐事徙朔方上書求還續成十志董卓作亂舊文散逸及  
在許都楊彪頗存注記案范書蔡邕傳邕在東觀與盧植韓  
說等撰補後漢記所作靈紀及十意又補諸列傳四十二篇  
因李傕之亂多不存盧植傳亦稱熹平中植與邕說並在東  
觀補續漢記又劉昭補注司馬書引袁山松書云劉洪與蔡

邕共述律歷記又引謝承書云胡廣博綜舊儀蔡邕因以爲  
記又引謝沈書云蔡邕引中興以來所修者爲祭祀志范書  
李賢注稱邕上書云臣科條諸志所欲刪定者一所當接續  
者四前志所無欲著者五此漢記之三續也其稱東觀者范  
書安帝紀李賢注引雒陽官殿名云南宮有東觀竇章傳云  
永初中學者稱東觀爲老氏藏室道家蓬萊山蓋東漢之初  
著述在蘭臺至章和以後圖籍盛于東觀修史者皆在是焉  
故以名書隋志稱書凡一百四十三卷而新舊唐書志則云  
一百二十六卷又錄一卷蓋唐時已有闕佚隋志又稱是書  
起光武訖靈帝今攷列傳之文間記及獻帝時事蓋楊彪所  
補也晉時以此書與史記漢書爲三史人多習之故六朝及  
初唐人隸事釋書類多徵引自唐章懷太子李賢集諸儒注

范書盛行于代此書遂微北宋時尚有殘本四十三卷趙希弁讀書附志邵博聞見後錄竝稱其書乃高麗所獻蓋已罕得南宋中興書目則止存鄧禹吳漢賈復耿弇寇恂馮異祭遵景丹蓋延九傳共八卷維時有蜀本流傳而錯誤不可讀上蔡任昉始以秘閣本讎校羅願爲序行之刻板于江夏郡又陳振孫書錄解題稱其所見本卷第凡十二而闕第七第八二卷卷數雖似稍多而核其列傳之數亦止九篇則固無異于書目所載也自元以來此書久佚永樂大典于鄧吳賈耿諸韻內竝無漢記一語則所謂九篇者明初卽以不存矣本朝姚之駟撰後漢書補逸曾蒐集遺文析爲八卷然所採祇據劉昭續漢書十志補注范書李賢注虞世南北堂書鈔歐陽詢藝文類聚徐堅初學記五書又往往掇拾不盡挂漏殊

多今謹據姚本舊文以永樂大典各韻所載參攷諸書補其闕逸所增者幾十之六其書久無刊本傳寫多訛姚本隨文鈔錄謬戾百出且漢記目錄雖佚而紀表志傳載記諸體例史通及各書所載梗槩尚一一可尋姚本不加攷證隨意標題割裂顛倒不可殫數今悉加釐正分爲帝紀三卷年表一卷志一卷列傳十七卷載記一卷其篇第無可攷者別爲佚文一卷而以漢記與范書異同附錄于末雖殘珪斷璧零落不完而古澤斑斕罔非瑰寶書中所載如章帝之詔增修羣祀杜林之議郊祀東平王蒼之議廟舞並一朝大典而范書均不詳載其文他如張順預起義之謀王常贊昆陽之策楊正之嚴正趙勤之潔清亦復槩從闕如殊爲疎畧惟賴茲殘笈讀史者尚有所循則其有資攷證良匪淺鮮尤不可不亟

為表章矣乾隆四十二年十月恭校上

東觀漢記目錄

武英殿聚珍版原本

卷一

帝紀一

世祖光武皇帝

卷二

帝紀二

顯宗孝明皇帝

穆宗孝和皇帝

肅宗孝章皇帝

孝殤皇帝

卷三

帝紀三

恭宗孝安皇帝

孝沖皇帝

敬宗孝順皇帝

孝質皇帝

威宗孝桓皇帝

本非闕佚故  
今不列其目

孝靈皇帝

案帝紀訖于靈帝隋書經籍志已有明文孝獻無紀

卷四

年表

百官表

王子侯表

恩澤侯表

諸王表

案以下四篇全闕

功臣表

卷五

志

地理志

禮志

郊祀志

律歷志

樂志

車服志

卷六

朝會志

案以下二篇全闕

天文志

列傳一 外戚

光烈陰皇后

敬隱宋皇后

和熹鄧皇后

竇貴人

孝桓鄧皇后

明德馬皇后

孝和陰皇后

順烈梁皇后

孝崇閔皇后

卷七

列傳二 宗室

齊武王縯

祖父不書採綴成人自為篇故今別為標目而仍以例附各傳後

北海靖王興

案前史列傳例有附載如妃嬪附皇后子孫附

北海敬王睦



趙孝王良

宏

梁

城陽恭王祉

東海恭王彊

沛獻王輔

楚王英

濟南安王康

東平憲王蒼

阜陵質王延

廣陵思王荆

中山簡王焉

琅邪孝王京

彭城靖王恭

樂成靖王黨

樂成王萇

下邳惠王衍

孝德皇

平原懷王勝

卷八

列傳三

鄧禹

鄧訓

鄧鴻

鄧陟

鄧悝

鄧宏

鄧閻

鄧豹

鄧遵

吳漢

賈復

賈宗

耿況

耿弇

耿國

耿秉

耿恭

卷九

列傳四

寇恂

岑彭

岑起

馮異

馮彰

朱祐

祭遵

祭彤

祭參

景丹

蓋延

鮑期

卷十

列傳五

耿純

臧宮

馬武

劉隆

馬成

王隆

陳俊

陳浮

傅俊

堅鐔

王霸

任光

任隗

李忠

李純

邳彤

劉植

劉歆

劉嘉

王常

李通

竇融

竇固

竇憲

竇章

卓茂

卷十一

列傳六

郭晨

來歙

樊重

樊宏

樊儵

樊梵

樊準

張况

張歆

張禹

郭况

陰睦

陰識

陰興

陰傳

卷十二

列傳七

馬援

馬廖

馬客卿

馬光

馬融

馬嚴

梁統

馬棱

梁商

梁竦

梁不疑

梁冀

馬防

孫咸

卷十三

列傳八

伏湛

伏盛

伏恭

伏晨

侯霸

宋宏

韓歆

歐陽歆

朱浮

張湛

杜林

張純

馮勤

馮飭

馮石

趙熹

卷十四

列傳九

朱鮪

鮑永

鮑昱

田邑

馮衍

馮豹

王閔

王元

卷十五

列傳十

丁綝

丁鴻

宣秉

宣彪

王丹

王良

申屠綱

鄧暉

郭伋

杜詩

孔奮

張堪

衛颯

茨充

任延

董宣

樊煜

李章

馮駿

鄧讓

卷十六

列傳十一

班彪

班固

班超

班始

鄭興

鄭眾

范升

陳元

桓榮

桓郁

桓焉

桓鸞

桓典

桓礮

張佚

桓譚

劉昆

劉軼

洼丹

戴憑

牟長

尹敏

高詡

丁恭

甄宇

張元

李恭

蘇竟

丁邯

溫序

周嘉

劉茂

索盧放

朱勃

樊顯

楊正

崔篆

崔駟

崔瑗

崔實

倪萌

古初

王琳

蔡順

李業

逢萌

王霸

嚴光

閔貢

周黨

井丹

耿嵩

卷十七

列傳十二

虞延

周澤

孫堪

劉般

郭賀

劉平

鍾離意

朱酺

楊政

郇恁

張重

郭丹

牟融

魏應

劉愷

吳良

承官

宋均

鮒陽鴻

薛漢

徐匡

姜詩

趙孝

李善

卷十八

列傳十三

第五倫

鄧彪

袁安

韋彪

郭躬

王景

王阜

元賀

魏譚

桓虞

鄭宏

朱暉

韋豹

鄭均

廉范

秦彭

曹褒

賈逵

江革

召馴

李育

杜安

杜根

杜篤

宋揚

趙興

趙勤

毛義

淳于恭

梁鴻

高鳳

郭鳳

卷十九

列傳十四

張酺

韓稜

巢堪

魯恭

魯丕

徐防

陳寵

陳忠

尹勤

何熙

魏霸

應順

應奉

應劭

鄭璩

樂恢

何敞

周榮

梁諷

李恂

王渙

黃香

黃瓊

黃琬

張霸

周紆

李充

司馬均

汝郁

張表

郭玉

鄭眾

卷二十

列傳十五

張敏

楊震

楊秉

楊賜

任尚

薛苞

馮良

所輔

蔡倫

龐參

李固

張耽

左雄

周舉

張綱

王堂

吳祐

祝良

朱遂

邱騰

韓昭

趙序

孫程

苗光

籍建

卷二十一

列傳十六

胡廣

陳龜

劉祐

李雲

韋毅

宗資

陳蕃

段熲

劉寬

陳球



張奐

陽球

趙咨

荀曇

符融

高彪

范丹

韓卓

曹節

皇甫嵩

王允

趙溫

孔融

蔡邕

周秘

劉翊

郭汜

呂布

蔣疊

須誦

馮模

周行

劉訓

雍儵

梁福

范康

蔣翊

宗慶

郝剛

喜夷

李庸

巴异

卜福

陳導

楊喬

翟歆

魏成

畢尋

段普

邢崇

陰猛

羊融

張意

沈豐

蕭彪

陳壽

卷二十二

列傳十七

鮑宣妻

匈奴南單于

西羌

江伯姊

荅都夷

西域

卷二十三

載記

劉元

申屠志

劉盆子

呂母

盧芳

彭寵

公賓就

陳遵

赤眉

王郎

蘇茂

張豐

秦豐

龐萌

公孫述

田戎

卷二十四

佚文

鄧奉

隗囂

延岑

銅馬等羣盜

附東觀漢記范書異同

東觀漢記卷第一

帝紀一

世祖光武皇帝

光武皇帝諱秀高帝九世孫也承文景之統出自長沙定王發王

生春陵節侯春陵本在零陵郡節侯孫考侯案考侯原誤作孝侯今從范書城陽恭王祉傳及文選李善注改

以土地下濕元帝時求封南陽蔡陽白水鄉因故國名曰春陵皇

考初為濟陽令有武帝行過宮常封閉帝將生皇考以令舍下濕

開宮後殿居之案范書帝紀李賢注引蔡邕碑云光武將生皇考以令舍不顯開宮後殿居之與此合范書謂生于縣舍殊誤建平元年十

二月甲子夜帝生時有赤光室中盡明如晝皇考異之使卜者王

長卜之長曰此善事不可言是歲有嘉禾生一莖九穗長大于凡

禾縣界大豐熟因名帝曰秀先是有鳳凰集濟陽故宮中皆畫鳳

凰聖瑞萌兆始形于此帝為人隆準日角大口美鬚眉長七尺三

寸在春陵時望氣者言春陵城中有喜氣曰美哉王氣鬱鬱葱葱

案范書帝紀望氣者蘇伯阿也

年九歲而南頓君卒

案范書帝紀南頓君名欽即帝考也

隨其叔父在蕭入小學後之長安受尚書于中大夫廬江許子威資用乏與同舍生韓

子合錢買驢令從者僦以給諸公費大義畧舉因學世事朝政每

案太平御覽每下作美惡

必先聞知具為同舍解說高才好學然亦喜遊俠鬪

雞走馬具知閭里姦邪吏治得失時會朝請舍長安尚冠里南陽

大人賢者往來長安為之邸閣稽疑議

案文選李善注閣作問

嘗為季父故春

陵侯訟逋租于大司馬嚴尤尤見而奇之時宛人朱祐亦為舅訟

租于尤尤止車獨與帝語不視祐帝歸戲祐曰嚴公寧視卿邪王

莽時雒陽以東米石二千莽遣三公將運關東諸倉賑貸窮乏又

分遣大夫謁者教民煮木為酪酪不可食重為煩擾流民入關者

數十萬人置養贍官以廩之盜發其廩民饑死者十七八人民相

食末年天下大旱蝗蟲蔽天盜賊羣起四方潰畔荆州下江平林

兵起王匡王鳳為之渠率時南陽旱饑而帝田獨收帝仁智明達

案太平御覽達作遠

多權畧樂施愛人在家重慎畏事勤于稼穡兄伯升好俠

笑帝事田作比之高祖兄仲宛大姓李伯玉

案以下文字蹟推之李伯玉蓋即李通而范書李通傳止二字

從弟軼數遣客求帝帝欲避之先是時伯玉同母

次元不言其一名伯玉是可補其闕畧

兄公孫臣為醫伯升請呼難伯升殺之

帝恐其怨故避之使來者言李氏欲相見款誠無他意帝乃見之

懷刀自備入見固始侯

案范書李通傳通建武二年封固始侯

兄弟為帝言天下擾亂饑

餓下江兵盛南陽豪右雲擾因具言識文事劉氏當復起李氏為

輔帝殊不意獨內念李氏富厚父為宗卿師語言譎詭殊非次第

嘗疾毒諸家子數犯法令李氏家富厚何為如是不然諾其言諸

李遂與南陽府掾史張順等連謀帝深念良久天變已成遂市兵

弩絳衣赤幘時伯升在春陵亦已聚會客矣帝歸舊廬望見廬南若火光以爲人持火呼之光遂盛赫然屬天有頃不見異之遂卽歸宅乃與伯升相見初伯升之起也諸家子弟皆亡逃自匿曰伯升殺我及聞帝至絳衣大冠服將軍服乃驚曰以爲獨伯升如此也仲謹厚亦如之皆合會共勞饗新市平林兵王匡王鳳等因率春陵子弟隨之兵合七八千人帝騎牛與俱殺新野尉後乃得馬帝起義兵案范書帝紀起兵在王莽地皇三年十一月攻南陽暮聞冢上有哭聲後有人著大冠絳單衣案此有闕文攷范書殺新野尉卽在是時使劉終僞稱江夏吏誘殺湖陽尉嚴尤擊下江兵案班書王莽傳地皇三年遣納言大將軍嚴尤秩宗大將軍陳茂擊荊州破下江兵帝奉糗一斛脯三十脰進圍宛城案自此以下皆王莽地皇四年事卽更始元年也王莽懼遣大司徒王尋大司空王邑將兵來征更始立以帝爲太常偏將軍時無印得定武侯家丞印佩之入朝尋邑兵到潁川嚴尤陳茂與合尤問城中出者言帝不敢

取財物但合會諸兵爲之計策尤笑言曰是美鬚眉目者邪欲何爲乃如此初莽遣尋邑欲盛威武以振山東兵甲衝軻干戈旌旗戰攻之具甚盛至驅虎豹犀象奇偉猛獸以長人巨無霸爲中壘校尉自秦漢以來師出未曾有也帝邀之于陽關尋邑兵盛漢兵反走帝馳入昆陽諸將惶恐各欲散歸帝與諸將議城中兵穀少宛城未拔力不能相救今昆陽卽破一日之間諸將亦滅不同力救之反欲歸守其妻子財物邪諸將怒曰劉將軍何以敢如此帝乃笑且去惟王常是帝計會候騎還言尋邑兵已來長數百里望不見其後尾前已至城北矣諸將遽請帝帝到爲陳相救之勢諸將素輕帝及迫急帝爲畫成敗皆從所言時漢兵八九千人留王鳳令守城夜出城南門尋邑兵已五六萬到遂環昆陽城作營且圍之數十重案姚之駟本作數百重參證范書帝紀則百字誤雲車十餘丈瞰臨城中旗幟蔽野

塵標連雲金鼓之聲數十里或為地突或為衝車撞城積弩射城中矢下如雨城中負戶而汲尋邑自以為成功漏刻有流星墜尋營中正晝有雲氣如壞山直營而實不及地尺而散吏士皆壓伏時漢兵在定陵鄜者聞尋邑兵盛皆怖帝歷說其意為陳大命請為前行諸部堅陣帝將步騎千餘前去尋邑軍四五里而陣尋邑遣步騎數千合戰帝奔之斬首數十級諸部將喜曰劉將軍平生見小敵怯今見大敵勇甚奇怪也帝復進尋邑兵卻諸部乘之斬首數百千級連勝遂令輕足將書與城中諸將言宛下兵復到而陽墜其書尋邑得書讀之恐帝遂選精兵三千人從城西水上奔陣尋邑兵大奔北于是殺尋而昆陽城中兵亦出中外並擊會天大雷風暴雨下如注水潦成川泚水盛溢邑大眾遂潰亂奔走赴水溺死者以數萬泚水為之不流邑與嚴尤陳茂輕騎乘死人渡

泚水逃去漢軍盡獲其珍寶輜重車甲連月不盡五月齊武王拔

宛城案齊武王即帝兄伯升後數日更始收齊武王部將劉稷齊武王強爭之

遂用譖愆復收齊武王即日皆物故帝降潁陽雖得入意不安門

下有繫馬著鼓者馬驚破礮礮鄧晨起走出視之乃馬也帝在父城

徵詣宛拜帝為破虜大將軍封武信侯更始害齊武王帝飲食語

笑如平常獨居輒不御酒肉坐臥枕席有涕泣處更始欲北之雒

陽以帝為司隸校尉先到雒陽整頓官府文書移與屬縣三輔官

府吏案官府吏太平御覽作吏士東迎雒陽者見更始諸將過者已數十輩皆冠幘

衣婦人衣諸子繡擁襦大為長安所笑知者或畏其衣奔亡入邊

郡避之及見司隸官屬皆相指視之極望老吏或垂涕曰粲然復

見漢官儀體賢者蟻附更始欲以近親巡行河北大司徒賜言帝

第一可用更始以帝為大司馬遣之河北十月帝持節渡孟津鎮

撫河北安集百姓帝至邯鄲趙王庶兄胡子進狗牒馬醢故趙繆

王子臨說帝決水灌赤眉胡子立邯鄲卜者王郎為天子案胡子太平御覽作

趙繆王子林攷范書帝紀有趙繆王子林李賢注云東觀記林作臨未知胡子即臨否今仍其舊文移檄購求帝十萬戶案以上皆更始元年事

王郎追帝帝自薊東南馳案范書帝紀徇薊在更始二年至饒陽官屬皆乏食帝乃自

稱邯鄲使者入傳舍傳吏方進食從者飢爭奪之傳吏疑其偽乃

椎鼓數十通給言邯鄲將軍至官屬皆失色帝升車欲馳而懼不

免還坐曰請邯鄲將軍入久乃駕去夜止蕪婁亭大風雨馮異進

一笥麥飯免肩聞王郎兵至復驚去至南宮天大雨帝引車入道

旁空舍竈中有火馮異抱薪鄧禹吹火帝對竈炙衣大會真定帝

自擊筑案此事范書不載但云帝得任光邠彤等兵降下曲陽北擊中山按盧奴南擊新市真定防子皆下之則大會真定當即在是時帝率鄧禹等

擊王郎橫野將軍劉奉大破之案劉奉范書鄧禹傳李賢注作劉發還過鄧禹營禹進食

炙魚帝大饗咄時百姓以帝新破大敵欣喜聚觀見帝餐咄勞勉

吏士威嚴甚厲于是皆竊言曰劉公真天人也帝引兵攻邯鄲連

戰郎兵挫折郎遣諫議大夫杜長威案范書帝紀作杜威持節詣軍門帝遣棨

戟迎延請入軍見上據地曰實成帝遺體子與也帝曰正使成帝

復生天下不可復得也况詐子與乎長威請降得萬戶侯帝曰一

戶不可得長威曰邯鄲雖鄙君臣并力城守尚可支一歲終不君

臣相率而降但得全身也辭去而郎少傅李立反郎開城門漢軍

破邯鄲誅郎入宮收文書得吏民謗毀帝言可擊者數千章帝謂

諸將燒之曰令反側者自安也案反側者歐陽詢藝文類聚作反側子與范書同帝圍邯鄲未下

彭寵遺米糒魚鹽以給軍糧由是破邯鄲更始遣使者即立帝為

蕭王諸將議上尊號帝不許案范書帝紀更始悉令罷兵詣行在所帝辭以河北未平不就後自是始貳于更始帝擊銅

馬大破之受降適畢封降賊渠率諸將未能信賊亦兩心帝敕降

賊各歸營勒兵待帝輕騎入案行賊營賊曰蕭王推赤心置人腹

中安得不投死由是皆自安詔馮異軍雁門卒萬餘人降之

案詔字下原本

行曰字今刪攷范書帝紀及馮異傳俱不載此詔惟異拒朱鮪李軼時會北攻天井關拔上黨兩城則軍雁門當即是在是時帝已乘王豐小馬先到

矣而營門不覺

案此十五字上有闕文據范書帝紀建武元年春正月帝擊尤來大槍五

豐下馬授帝耿弇頻射卻賊得免散兵歸保范陽軍中不見帝或云已沒即是時也帝破賊入漁陽諸將上尊號帝不許

議曹掾張祉言俗以為燕人愚方定大事反與愚人相守非計也

帝大笑帝發薊還

案是時破尤來大槍五幡賊還也

士眾喜樂師行鼓舞歌詠雷聲八

荒震動至范陽命諸將收葬吏士至中山諸將復請上尊號上奏

曰大王社稷為計萬姓為心耿純說帝曰天時人事已可知矣初

王莽時帝與伯叔及姊婿鄧晨穰人蔡少公燕語少公道識言劉

秀當為天子或曰是國師劉子駿也帝戲言曰何知非僕邪坐者

皆大笑時傳聞不見赤伏符文軍中所

案姚之駟本作傳聞赤伏符不見文章軍中所

帝未信到

鄗帝所與在長安同舍諸生彊華自長安奉赤伏符詣鄗與帝會

羣臣復固請曰符瑞之應昭然著聞矣乃命有司設壇于鄗南于

秋亭五成陌

建武元年夏六月己未即皇帝位燔燎告天禋于六宗改元為建

武改鄗為高邑詔曰故密令卓茂束身自修執節惇固斷無他

其心休休焉夫士誠能為人所不能為則名冠天下當受天下重

賞故武王誅紂封比干之墓表商容之間今以茂為太傅封宣德

侯

案宣范書卓茂傳作褒

食邑二千戶賜安車一乘衣一襲金五斤冬十月帝

入雒陽幸南宮遂定都焉帝破聖公與朱然書曰交鋒之日神星

晝見太白清明

案范書帝紀未即位前使馮異寇恂破更始大司馬朱鮪軍即位後使鄒禹破更始定國公王匡軍此云交鋒未知何時又朱然太平御覽作伯叔

本文似有訛脫

二年春正月益吳漢鄧禹等封自漢草創德運正朔服色未有所

定高祖以十月為正以漢水德立北時而祠黑帝至孝文帝賈誼



公孫臣以為秦水德漢當為土德至孝武兒寬司馬遷猶從土德  
自帝即位按圖讖推五運漢為火德周蒼漢赤木生火赤代蒼故  
帝都雒陽制兆于城南七里北郊四里行夏之時時以平旦服色  
犧牲尚黑明火德之運常服微幟尚赤四時隨色季夏黃色議者  
曰昔周公郊祀后稷以配天宗祀文王以配上帝圖讖著伊堯赤  
帝之子俱與后稷並受命而為王漢劉祖堯宜令郊祀帝堯以配  
天宗祀高祖以配上帝有司奏議曰追跡先代無郊其五運之祖  
者故禹不郊白帝周不郊帝嚳雖漢之苗堯以歷數命舜高祖赤  
龍火德承運而起當以高祖配堯之後元復于漢宜以時修奉濟  
陽城陽縣堯帝之冢雲臺致敬祭祀之禮儀亦如之帝遣游擊將  
軍鄧隆與幽州牧朱浮擊彭寵隆軍潞浮軍雍奴相去百餘里遣  
吏上奏言寵破在旦暮帝讀檄未竟怒曰兵必敗比汝歸可知吏

還未至隆軍果為寵兵掩擊破浮軍遠不敢救以兵走幽州咸曰  
上神

三年帝征秦豐幸舊宅

案范書帝紀及岑彭傳春三月帝自將南征夏四月破斬鄧奉  
五月還宮令岑彭等南擊秦豐秋七月大破之于黎邱至冬十  
月乃幸春陵此率  
連書之殊未明晰冬十月帝幸春陵祠園廟大置酒與春陵父老故人

為樂以皇祖皇考墓為昌陵後改為章陵以春陵為章陵縣

春陵鄉為章陵縣在建武  
六年此蓋通後事言之隗囂上書報以殊禮

四年夏五月帝幸盧奴為征彭寵故也自王莽末天下旱霜連年  
百穀不成元年之初耕作者少民飢僅黃金一斤易粟一石至二  
年秋天下野穀旅生麻麥尤盛或生瓜菜果實野蠶成繭被山民  
收為絮採穫穀果以為蓄積至是歲野穀生者稀少而南畝亦益  
闕矣

五年初起太學諸生吏子弟及民以義助作帝自齊歸

案范書帝紀是  
時平張步歸也

幸太學賜博士弟子有差

六年春二月吳漢下胸城案范書帝紀蓋平董憲應萌也天下悉定惟獨公孫述隗囂

未平帝曰取此兩子置度外乃休諸將置酒賞賜之每幸郡國下

與見吏輒問以數十百歲能吏次第下至掾史簡練臣下之行下

無所隱其情道數十歲事若案文書吏民驚惶不知所以人自以

見識家自以蒙恩遠臣受顏色之惠坐席之間以要其死力當此

之時賊檄日以百數憂不可勝帝猶以餘閒講經藝發圖讖制告

公孫述署曰公孫皇帝囂雖遣子入侍案范書帝紀隗囂遣子恂入侍在五年冬十二月尚持兩

心囂故吏馬援謂囂曰到朝廷凡數十見案本書馬援傳作凡十四見自事主未嘗

見明主如此也材直驚人其勇非人之敵開心見誠與人語好醜

無所隱諱圖講天下事極盡下思兵事方畧量敵校勝闊達多大

節與高帝等經學博覽政事文辯前世無比囂曰如卿言勝高帝

邪曰不如也高帝大度無可無不可今上好吏事動如節度不飲

酒囂大笑曰如卿言反復勝也案范書馬援傳囂信援故遂遣長子恂入質代此敘援言于囂遣子入侍之後與范書異

郡太守劉興將數百騎攻賈覽上狀檄至帝知其必敗報書曰欲

復進兵恐失其頭首也詔書到興已為覽所殺長史得檄以為國

家坐知千里也

七年春正月詔羣臣奏事無得言聖人又舊制上書以青布囊素

裏封書不中式不得上既上詣北軍待報前後相塵案塵太平御覽作屬連歲

月乃決帝躬親萬幾急于下情乃令上書啓封則用不得刮壘書

案刮壘太平御覽作引經取具文字而已奏詣闕平旦上其有當見及冤結者常

以日出時騶騎馳出召入其餘遇中使者出報即罷去如神遠近

不偏幽隱上達民莫敢不用情追念前世園陵至盛王侯外戚葬

埋僭侈吏民相效寢以無限詔告天下令薄葬

八年閏四月車駕西征河西大將軍竇融與五郡太守步騎二萬迎帝隗囂士眾震壞皆降囂走入城案入太平御覽作西吳漢岑彭追守之

九年春正月隗囂餓出城餐糗糲腹脹死

十一年幸章陵修園廟舊宅田里舍案文選李善注作過章陵祠園廟

十二年吳漢引兵擊公孫述案范書帝紀吳漢伐公孫述出師實在十一年十二月下入隗為界云云乃在次年正月方是十二年事此蓋

通始事入隗為界小縣多城守未下詔書告漢直擁兵到成都據其

心腹後城營自解散漢意難前獨言朝廷以為我縛賊手足矣案此

未明晰遣輕騎至成都燒市橋案范書吳漢傳漢攻廣都拔之遣輕騎燒成都市橋故疑有誤

武陽以東小城營皆奔走降竟如詔書漢兵乘勝追奔述距守詔

書又戒漢曰成都十萬餘眾不可輕也且堅據廣都城去之五十

里待其即營攻城罷倦引去乃首尾擊之勿與爭鋒述兵不敢來

轉營即之移徙輒自堅案此下范書吳漢傳有漢違詔而敗事此不載當是脫佚十一月眾軍至城門

述自將背城而戰吳漢鼓之述軍大破刺傷述扶輿入壁其夜死

夷述妻子傳首于洛陽縱兵大掠舉火燔燒帝聞之下詔讓吳漢

副將劉禹曰城降嬰兒老母案文選李善注嬰作孩口以萬數一旦放兵縱火

聞之可為酸鼻家有敝帚享之千金禹宗室子孫故嘗更職何忍

行此仰視天府視地觀于放麇啜羹之義二者孰仁矣失斬將弔

民之義案矣太平御覽作且又議漢殺述親屬太多是時名都王國有獻名馬

案虞世南北堂書鈔作建武十三年是時屠者國獻各馬寶劍直百金馬以駕鼓車劍以賜騎士苑囿

池籞之官廢弋獵之事不御雅性不喜聽音樂手不持珠玉衣服

大絹而不重綵征伐嘗乘革輿羸馬公孫述故哀帝時案此下未明晰

哀帝時述以父任為郎又云述少為郎習漢家制度出入法駕鸞旌旄騎陳置陛戟然後輦出房闈正與此文相備即以數郡備天子用述破

益州乃傳送醫師郊廟樂葆車乘輿物是後乃稍備具焉述伏誅

之後而事少閒官曹文書減舊過半下縣吏無百里之繇民無出

門之役

十三年封殷紹嘉公為宋公周承休公為衛公案范書帝紀建武二年封周後姬常為周承休公五年封殷後孔安為殷紹嘉公至是改封

十四年封孔子後孔志為襄成侯

十五年詔曰刺史太守多為詐巧不務實核苟以度田為名聚人

田中并度廬屋里落聚人遮道啼呼案范書帝紀十五年詔下州郡檢核墾田頃畝及戶口年紀十六年河南尹及諸郡守十餘人坐度田不實皆下獄死又劉隆傳天下墾田多不以實戶口年紀互有增減十五年詔下州郡檢核其事而刺史太守多不平均或優饒豪右侵刻羸弱百姓嗟怨遮道號呼隆坐徵下獄此所載詔文未完

十七年帝以日食案范書帝紀日食在二月乙亥晦日避正殿讀圖識多御坐廡下淺露

中風發疾苦眩甚左右有白大司馬史病苦如此不能動搖自強

從公出乘以車行數里病差四月二日車駕宿偃師病差數日入

南陽界到葉以車騎省留數日行黎陽兵馬千餘匹遂到章陵起

居平愈鳳凰五高八尺九寸毛羽五采集潁川羣鳥從之蓋地數

頃留十七日乃去案范書帝紀鳳凰見在冬十月商賈重寶單車露宿牛馬放牧道無

拾遺

十九年帝下詔曰惟孝宣皇帝有功德其上尊號曰中宗幸南陽

汝南至南頓止令舍大置酒賜吏民復南頓田租一歲吏民叩頭

言皇考居此日久陛下識知寺舍每來輒加厚恩但復一歲少薄

願復十歲帝曰天下重寶大器常恐不任日慎一日安敢自遠期

十歲復增一歲

二十年夏六月帝風眩黃瘴病發甚以衛尉關內侯陰興為侍中

興受詔雲臺廣室甘露降四十五日案日太平御覽作里

二十五年烏桓獻貂豹皮詣闕朝賀

二十六年春正月詔曰前以用度不足吏祿薄少今益其俸自三

東觀漢記

卷一

十一

帝紀

公下至佐使各有差四月始營陵地于臨平亭南詔曰無為山陵  
陂池裁令流水而已迭興之後亦無邱壘使合古法今日月已逝  
當豫自作臣子奉承不得有加乃令陶人作瓦器又曰臨平望平  
陰河水洋洋舟船泛泛善矣夫周公孔子猶不得存安得松喬與  
之而其遊乎文帝曉終始之義景帝所謂孝子也故遭反覆霸陵  
獨完非成法邪初作壽陵將作大匠竇融上言園陵廣袤無慮所  
用帝曰古帝王之葬皆陶人瓦器木車茅馬使後世之人不知其  
處太宗識終始之義景帝能遵孝道遭天下反覆而獨能完其福  
豈不美哉今所制地不過二三頃無為陵池案初作壽陵以下至此見太平御覽與前段互有異同故並錄入  
帝常自細書一札十行報郡縣旦聽朝至日晏夜講經聽誦坐則  
功臣特進在側論時政畢道古行事次說在家所識鄉里能吏次  
第比類又道忠臣孝子義夫節士坐者莫不激揚悽愴欣然和悅

羣臣爭論上前嘗連日皇太子嘗乘間言陛下有禹湯之明而失  
黃老養性之道今天下大安少省思慮養精神帝答曰我自樂此

時城郭邱墟掃地更為帝悔前徙之案范書帝紀建武十五年徙雁門代郡上谷三郡民置常山居庸以東二十年省五


原郡徙其吏人置河東二十五年南單于奉蕃稱臣二十六年遣中郎將段郴授南單于璽綬令入居雲中于是雲中五原朔方北地定襄雁門上谷代八郡民歸于本土遺詢者分將弛刑補理城郭所謂掃地更為者此也草創苟合未有還人案此亦指雲中等八郡民歸本土者言蓋是年雖復緣邊諸郡幽并二州由是而定民徙始盡

三十年有司奏封禪詔曰災異連仍日月薄食百姓怨歎而欲有  
事于太山汚七十二代編錄以羊皮雜貂裘何強顏邪

三十二年羣臣復奏宜封禪遂登太山勒石紀號改元為中元

中元元年案中元元年即建武三十二年也攷范書帝紀實以夏四月己卯改元帝幸長安祠長陵還雒陽宮

是時醴泉出于京師郡國飲醴泉者痼疾皆愈獨眇蹇者不瘥有  
赤草生于水涯郡國上甘露降羣臣上言地祇靈應而朱草萌宜



命太史撰具郡國所上帝不聽是以史官鮮紀冬十月甲申使司  
空馮魴告祠高祖廟曰高皇呂太后不宜配食薄太后慈仁孝文  
皇帝賢明子孫賴福延至于今宜配食地祇高廟今上薄太后尊  
號為高皇后遷呂太后于園四時上祭是歲初起明堂靈臺辟雍  
及北郊兆域宣布圖讖于天下

二年春二月戊戌帝崩于南宮前殿在位三十三年時年六十二  
遺詔曰朕無益百姓如孝文皇帝舊制葬務從省約刺史二千石  
長皆無離城郭無遣吏及因郵奏太子襲尊號為皇帝羣臣奏諡  
曰光武皇帝廟曰世祖三月葬原陵

帝詔曰明設丹青之信廣開束手之路案此詔見文選李善注范  
書不載未知何時所下功臣鄧

禹等二十八人皆為侯封餘功臣一百八十九人案范書帝紀建武十三  
年功臣增邑更封凡三  
百六十五  
人與此異帝以天下既定思念欲完功臣爵土不令以吏職為過故

皆以列侯就第恩遇甚厚遠方貢甘珍必先徧賜列侯而大官無

餘有功輒增封邑故皆保全帝封新野王子鄧汎為吳侯案范書鄧  
汎傳晨娶

光武姊元漢兵敗小長安元遇害光武即位追封諡元為新野節義長公主  
司晨長子汎為吳房侯李賢注云吳房今豫州縣也此作吳侯與范書異伯父皇皇考

姊子周均為富波侯案封均事  
范書不載外祖樊重為壽張侯案范書樊宏傳建武十八  
年追爵諡重為壽張敬侯

重子丹射陽侯案范書樊宏傳丹  
以建武十三年封孫茂平望侯案范書樊宏傳茂以  
建武二十七年封尋元鄉

侯案范書樊宏傳尋  
以建武十三年封從子冲更父侯案范書樊宏傳冲作  
忠亦建武十三年封后父陰睦為宣恩

侯案本書陰睦傳睦以建武二年追爵范書  
陰皇后紀稱建武九年始追爵與此文異子識原鹿侯案范書陰識傳識  
以建武十五年封就信陽

侯案范書陰識傳就嗣父封宜恩侯後改封新陽侯此作信  
陽與范書異而范書吳良傳又稱就為信陽侯未知孰是皇考女弟子來歙為征

羌侯案范書來歙傳歙以建  
武十一年沒後追封弟由宜西鄉侯案范書來歙傳由  
以建武十三年封寧平公主子李

雄為新市侯案范書李通傳通娶光武女弟伯姬是為寧平公主雄  
通少子也又范書稱雄封召陵侯而不詳初封之年后父郭昌為陽



安侯案范書郭后紀昌以  
建武二十六年追贈子流綿曼侯案范書郭后紀流作況綿  
曼作綿蠻以建武二年封兄子竟新鄴

侯匡發干侯案范書郭后紀以竟匡為后從兄  
弟皆子建武十七年后廢時封姨子馮邯為鍾離侯案封馮邯  
事范書不

載帝蒙犯霜雪雖發師旁縣人馬席薦羈鞞皆有成賈而貴不侵  
 民未與官市漢以炎精布耀或幽而光帝既有仁聖之明氣勢形  
 體天然之姿固非人之敵翕然龍舉雲興三雨而濟天下蕩蕩人  
 無能名焉

案姚之駟所輯是書八卷既多挂漏且與劉昭續漢書志補注李賢後漢書注所引之文互有異同又如光武紀中或稱公或稱王或稱世祖前後參差今畫一更

正非依虞世南北堂書鈔歐陽詢藝文類聚徐堅初學記諸書所載各條此畧彼詳取其詳者詳畧者從其善者依年月編次或年月無攷則彙綴于篇內如論贊之列



東觀漢記卷第一終

文化西子





